

SLAVICA TERZIĆ - TUŽITELJ TUŽITELJSTVA BiH

Slavica Terzić rođena je 1948. godine u Bosanskom Novom, Bosna i Hercegovina. Diplomirala je na Pravnom fakultetu Univerziteta u Sarajevu 1973. godine.

Pripravnički staž obavila je u Okružnom tužiteljstvu u Sarajevu, da bi nakon položenog pravosudnog ispita 1975. godine, bila izabrana za zamjenika tužioca Opštinskog tužilaštva II u Sarajevu. Od 1982. godine zaposlena je kao zamjenik okružnog tužioca pri Okružnom tužilaštvu u Sarajevu do 1991. godine.

U razdoblju od 1992. do 1993. godine radila je kao stručni saradnik u DKP-pri Veleposlanstvu BiH u Sloveniji, a od 1996. do 1997. godine radila je u Ministarstvu za izbjeglice i Ministarstvu za civilne poslove BiH.

Od 1997. do 2000. godine radila je u Komisiji za imovinske zahtjeve raseljenih lica i izbjeglica (CRPC), a od 2000. do 2004. godine u Nezavisnoj pravosudnoj komisiji za izbor i imenovanje u sastavu VSTV BiH.

Za tužitelja Tužiteljstva BiH imenovana je odlukom Visokog sudbenog i tužiteljskog vijeća Bosne i Hercegovine u listopadu 2004. godine.

Godine 2004. boravila je u stručnoj posjeti Međunarodnom kaznenom sudu za bivšu Jugoslaviju (MKSJ) u Den Haagu. Sudjelovala je na mnogim seminarima i stručnim edukacijama iz oblasti kaznenog procesuiranja ratnih zločina.